

Alver kommune
Postboks 4
5906 Frekhaug



13.01.2021

Att.: Madeleine Fonnes Aase

Søknad om dispensasjon for å få bygge eit verkstadbygg på gbnr420/1.

Det vert synt til referanse 20/14509. I dette brevet ber kommunen meg om å søke dispensasjon frå forbodet om å bygge eit bygg som ikkje høyrer til landbruksdrifta. Eg forstår dette slik at i LNF-områda er det berre lov å føre opp bygningar som er naudsynte for drifta av landbrukseigedommane, og at kommunen meiner det lagerbygget som eg vil bygge, ikkje kan reknast som naudsynt for drifta. Eg må såleis søkje om dispensasjon.

Søknad om løyve til bygging saman med naudsynt dokumentasjon vart sendt inn i 2019. No manglar berre denne søknaden for at alle søknadspapira er på plass.

Bygget eg vil føre opp er eit lagerbygg. Det skal nyttast til å setje reiskap og maskinar under tak. Dette er det ikkje plass til i dei bygga som alt står på eigedommen. Grunnen til at det er fleire markinar og traktorar, er at eg må drive med verksemd utanom garden for å tene nok pengar. I tillegg har den sonen som no skal overtake eigedommen, også si verksemd og det er maskinar og reiskap som han treng å sette under tak.

Bygget vert så stort at eg kan stå under tak medan eg produserer ved for sal og til eige bruk. Når produksjonen er ferdig, vert veden tørka i dette huset.

På grunn av at det no er mykje meir nedbør enn før, treng eg dette bygget for å take vare på dyre maskinar og reiskap. Det går ikkje lenger an at dei står under ope himmel.

Mi meining er at bygget er naudsynt for drifta av landbruket, sjølv om det også skal nyttast til verksemd som kan kallast tilleggsnæring.

Eg ber kommunen gje dispensasjon for å føre opp dette huset. Det skal plasserast saman med dei andre bygningane i driftstunet. Det er ikkje til sjenanse for naboar eller for natur- og friluftslivet. Det fører ikkje til auka trafikk eller meir køyring ut på fylkesvegen. Eg kan såleis ikkje sjå at bygget ikkje skulle høyre heime i tunet på ein landbrukseigedom.

Med helsing

Geir Arne Haugland

A handwritten signature in blue ink that reads "Geir Arne Haugland".